

## L’Institut da plurilinguitad

L’Institut da plurilinguitad sa deditgescha a la perscrutaziun da la plurilinguitad en ses aspects linguistics, socials, politics, economics e pedagogics. La perscrutaziun da l’Institut s’occupa surtut dals secturs da la scola e da l’instrucziun, da la migraziun, dal mund da lavur e da l’evaluaziun da las cumpetenzas linguisticas.

L’Institut da plurilinguitad realisescha agens projects da perscrutaziun e sa participescha a projects naziunals ed internaziunals. Ultra da quai promova el la scolaziun sin tut ils stgalims (bachelor, master e doctorat) e surpiglia mandats externs da perscrutaziun e da sviluppar projects.

L’Institut da plurilinguitad vegn purtà da l’Universidad da Friburg e da la Scola auta da pedagogia da Friburg. Las activitads da l’Institut vegnan promovididas e finanziadas surtut da la Fundaziun Adolphe Merkle e da la Fundaziun per la perscrutaziun ed il svilup da la plurilinguitad dal chantun da Friburg.

## Team

Prof. dr. Alexandre Duchêne, directur

Prof. dr. Raphael Berthele, commember da la direcziun

Peter Lenz, collavuratur scientific

Susanne Obermayer, vicedirectura

Liselotte Lutz, secretariat

## Contact

Institut de plurilinguitad, rue de Morat 24, CH -1700 Friburg, T 026 305 61 71/73,  
[susanne.obermayer@unifr.ch](mailto:susanne.obermayer@unifr.ch)

## Ils secturs da perscrutaziun prioritars

### *Plurilinguitad, scola ed instrucziun*

Las sfidas scolasticas e didacticas areguard la plurilinguitad dattan bler da discutar en la publicitat ed en la politica. Perquai furman ils projects da perscrutaziun e da svilup davart l’acquisiziun da linguis estras en scola, davart la scolaziun da persunas d’instrucziun en dumondas da la diversitat linguistica e davart la concepziun da curricula plurilings in punct central en la lavur da l’Institut.

### *Plurilinguitad e migraziun*

La mobilitad dals umans rinforza il contact da linguis, dal qual naschan diversas dumondas per exemplu en connex cun la rolla da la lingua en situaziuns da migraziun u cun l’influenza reciproca tranter la cumpetenza linguistica e l’integrazion sociala e professiunala. Cun perscrutar ils process en il champ da la plurilinguitad e

da la migraziun gida l’Institut a chapir e savair co tractar meglier l’inequalitat sociala ed ils fenomens d’exclusiun.

*Plurilinguitad ed il mund da lavur*

Las transfurmaziuns economicas ed oravant tut il mund economic globalisà procuran per discussiuns davart il diever da las linguas en il mund da lavur, lur rolla en il rom da las activitads professiunalas ed – en general – la muntada economica da la plurilinguitad. L’Institut s’occupa dal svilup da quest champ da perscrutaziun e vegn a s’engaschar en il barat cun acturs da l’economia e dal mund da lavur.

*Evaluaziun ed examinaziun da las cumpetenzas linguisticas*

L’evaluaziun da las cumpetenzas linguisticas en l’ambient scolastic e professiunal n’è betg mo per la Svizra ina da las dumondas las pli urgentas, mabain era sin plaun europeic. L’Institut che s’engascha fermamain en quest sectur sa basa era sin lavurs e studis fatgs en emprima lingia da l’Universitat da Friburg.